

CŒLESTINI II

PONTIFICIS ROMANI

EPISTOLÆ ET PRIVILEGIA.

I.

Privilegium pro ecclesia S. Mariani Eugubina.

(Anno 1143, Oct. 19.)

[UGHELLI, *Italia sacra*, I, 637.]

CŒLESTINUS episcopus, servus servorum Dei, dilectis filiis BENEDICTO præposito, ejusque fratribus in ecclesia episcopalis sedis Beati Mariani Eugubinae civitatis Domino famulantibus, tam præsens, quam futuris in perpetuum.

Desiderium, quod ad religionis propositum et animarum salutem pertinere monstratur, animo nos docet libenti concedere, et petentium desiderii congruum impartiri suffragium. Eapropter, dilecti in Domino filii, postulationibus vestris clementer impartimur assensum, et ecclesiam B. Mariani, in qua divinis estis obsequiis mancipati, apostolici privilegii pagina communimus, statuantes ut quaecunque possessiones, quaecunque bona idem locus in præsentiarum canonice possidet, aut in futurum concessione pontificum, largitione regum vel principum, oblatione fidelium, seu aliis justis modis, præstante Domino, poterit adipisci. firma vobis in perpetuum et illibata permaneant; in quibus propriis hæc duximus exprimenda vocabulis, plebem scilicet S. Joannis de Civitate, plebem S. Mariæ serrata, plebem de Fisciano, plebem S. Mariæ de Glodiano cum plebe Sancti Donati, et Sancti Viriani, plebem S. Gervasii, curtem de Lavari, cum aliis omnibus ecclesiis, ac bonis prædictæ ecclesie pertinentibus, capellam S. Bartholomæi, capellam S. Crucis, capellam S. Verecundi, capellam S. Angeli, capellam S. Georgii, capellam S. Savini, capellam S. Angeli, capellam S. Christophani, capellam S. Salvatoris, capellam S. Mariæ de Mediano, capellam S. Bartholomæi de Castro Venali, capellam S. Mariæ et capellam S. Georgii de Cortiva, capellam S. Mariæ capellam S. Margaritæ cum omnibus suis pertinentiis castrum montis Juliani cum curte sua, castrum Galgate cum curte sua, castrum vallis Marculæ cum curte sua, castrum Algnanir, castrum Agelli, Prohibemus quoque, ut infra antiquos terminos majoris, sive baptismalis Ecclesie absque vestra permissione nullus Ecclesiam edificare præsumat, nec ab hominibus infra eosdem terminos habitantibus decimas, vel oblationes exigat, nec eas ad sepulturam ad alia loca transire compellat, sed, juxta Apostolum, quibus spiritualia seminatis eorum carnalia nullo prohibente metatis clericos vero, sive laicos libe-

A ros, qui de sæculari habitu converti, et in vestra ecclesia religiose vivere voluerint, recipiendi facultatem liberam vobis concedimus, sepulturam quoque ipsius loci liberam esse decernimus, ut eorum devotioni, et extremæ voluntati, qui se illic sepeliri deliberaverint, nisi forte excommunicati sint, nullus obsistat, salvo jure matricis ecclesie. Decernimus ergo, etc. Amen

Locus + sigilli.

Ego Cælestinus Catholicæ Ecclesie episc.

Ego Conradus Sabinensis episc.

Ego Stephanus Prænestinensis episc.

Ego Gregorius presb. card. tit. S. Callixti.

Ego Thomas presb. card. tit. Vestinæ.

Ego Petrus card. presb. tit. S. Susannæ.

Ego Gregorius diac. card. SS. Sergii et Bacchi.

Ego Otto diaconus card. tit. S. Georgii ad Velum Aureum.

Ego . . . Bald. diac. card. S. Mariæ in Via Lata.

Ego Petrus diac. card. S. Mariæ in Porticu.

Ego Nicolaus diac. S. R. E.

Datum Later. per manum Gerardi S. R. E. presb. card. ac bibliothecarii xiv Kal. Novemb., ind. vii, Incarn. Dom. an. 1143, pontif. vero D. Cælestini papæ anno i.

II.

De sui electione certiores facit Cluniacenses, eorumque preces postulat, [Claramontani episcopi culpam ipsis condonat.]

(Anno 1143, Nov. 6.)

[MANSI, *Concil.*, XXI, 592.]

CŒLESTINUS episcopus, servus servorum Dei, dilectis filiis PETRO abbati, et monachis Cluniacens., salutem et apostolicam benedictionem.

Charitatem vestram de statu sanctæ Romanæ, Ecclesie matris vestræ sollicitam cognoscentes, quæ circa nos acta sunt, vobis significare curavimus. Notum igitur facimus dilectioni vestræ quod Domino nostro bonæ memoriæ papa Innocentio, viii Kal. Octobris defuncto, et in Lateranensi ecclesia cum maximo cleri ac populi Romani frequentia tumulto, cardinales presbyteri et diaconi, una cum fratribus nostris episcopis et subdiaconis, clero ac populo Romano acclamante, partim et expetente, tertia die in ipsa ecclesia unanimi voto et pari consensu, me indignum, et prorsus tanti officii imperem, nescio quo Dei judicio, in Romanum pontificem concorditer elegerunt. Ego autem considerans,

infirmi-
tatem meam ad apostolicæ sedis culmen non posse per-
tingere, onus hoc malui declinare, ne in
pastorali regimine impari administrationis actione
succumberem. Sed quia contraire non est Domini
disponentis arbitrio, obedienter secutus sum quod
misericors de me regentis manus voluerit operari.
Dispositioni itaque divini consilii colla submittens,
tanto pondere pressum me recognosco, ut non per
prophetiæ spiritum, sed per experimentum dicam :
Incurvatus sum et humiliatus sum usquequaque
(Psal. cxviii). Tanta quippe occupationem onera
deprimunt, ut ad superna vix aliquando animus
erigatur. Multis causarum fluctibus quatior ; et post
illa quietis otia, quæ ante hoc officium me reco-
labuisse, tamen tumultuosæ vitæ tempestatibus affli-
gor, ut recte dicam : *Veni in altitudinem maris, et
tempestas demersit me* (Psal. lxxviii).

Unde, fratres charissimi (1), per omnipotentem
Dominum rogo, ut me sub hoc pastoralis curæ onere
lassescens orationum vestrarum intercessionibus
adjuvetis, ut ejusdem omnipotentis Dei misericordiam
totis nisibus et plenis desideriis impleretis,
quatenus mihi inter undas pelagi laboranti ma-
jestatis suæ dexteram porrigat, et sic naviculæ
suæ præesse concedat, ut ad æternæ quietis por-
tum cum susceptæ navis onere, ipso ducente, per-
veniam.

Nos autem Cluniacense monasterium tanquam
B. Petri proprium, more prædecessorum nostrorum
diligere volumus et fovere, et suam ei justitiam con-
servare.

Quod autem Claromontensis episcopus præter-
ita B. Lucæ festivitate a prædecessore nostro
bonæ memoriæ papa Innocentio evocatus non
venit, nec canonicam excusationem præterdit,
pro vestra dilectione ad præsens æquanimiter tole-
ramus.

Datum Laterani viii Idus Novembris.

III.

*Ad Alvisum Atrebatensem episcopum. Causam ma-
trimonii cujusdam ad se advocat.*

(Anno 1143, Nov. 6.)

[MANSI, *ibid.*, col. 595.]

COELESTINUS episcopus, servus servorum Dei, ve-
nerabili fratri ALVISO Atrebatensi episcopo, salutem
et apostolicam benedictionem.

Litteras a tua fraternitate transmissas recepimus,
et quod de consanguinitate inter charissimi filii
nostri Stephani illustris Blesensis comitis filium et
filiam nobilis viri Theodorici Flandrensis comitis
in eis continebatur diligenter expendimus. Verum
quoniam episcopos Galliæ in justitia et observatione
mandatorum sedis apostolicæ tepidos invenimus, et
idem filius noster comes in causa
matrimonii R. de Perona omnino inordinate et
contra justitiam ab ipsis tractatus est, causam
ipsam judicio sedis apostolicæ duximus reservan-

dam. Si vero tu ipse, vel quislibet alius in causa
canonice procedere volueritis, proxima Dominica,
qua cantatur, *Isti sunt dies*, etc., vos conspectui
nostro præsentetis, ut in utriusque partis præ-
sentia causam ipsam diligenter inquirere, et
quod canonica æquitas dictaverit, exinde statuere
valeamus.

Datum Laterani viii Idus Novemb.

IV.

Ad A. præpositum et canonicos Rosatenses.

(Anno 1143, Nov. 6.)

[GIULINI, *Memorie della Hist. di Milano*, t. V,
p. 578.]

COELESTINUS episcopus, servus servorum Dei, di-
lectis filiis A. præposito, et canonicis de Rosata,
salutem et apostolicam benedictionem

A sede apostolica statutum est, ut religiosæ per-
sonæ de laboribus, quos propriis manibus aut
sumptibus excolunt, sive de nutrimentis suorum
animalium decimasolvere non cogantur. Quo
contra perlatus est clamor ad aures nostras, quod
a sanctimonialibus Sanctæ Mariæ de Montano
decimas exigitis, et violenter ab eis extorquetis.
Quia igitur in his quæ a sede apostolica statuuntur
absque sui status periculo nulli licuit deviare,
per præsentia vobis scripta præcipimus, quatenus
decimas ab eisdem sanctimonialibus exigere nul-
latenus præsumatis, sed si quam ibidem justitiam
vos habere confiditis, in nostra præsentia osten-
datis.

Datum Laterani viii Idus Novembris.

V.

*Privilegium confirmationis ecclesiæ S. Joannis
Modoetiensis.*

(Anno 1143, Nov. 23.)

[FRIZI, *Memorie stor. di Mouza*, t. II, p. 56.]

COELESTINUS episcopus, servus servorum Dei,
dilectis in Christo filiis UBRANDO Modoetiensi ar-
chepresbytero ejusque fratribus tam præsentibus
quam futuris, canonice substituendis, in perpetuum.

Piæ postulatio voluntatis effectu debet prose-
quente compleri, et ut devotionis sinceritas lauda-
biliter enitescat, et utilitas postulata vires indubi-
tantes assumat. Eapropter, dilecti in Domino filii,
vestris justis postulationibus clementer annuimus,
et ecclesiam Beati Joannis de Modoetia in qua di-
vino mancipati estis obsequio ad exemplum præde-
cessorum nostrorum beatæ memoriæ Calixti et In-
nocentii Romanorum pontificum sub beati Petri et
nostra protectione suscipimus, et præsentis scripti
privilegio communimus ; statuentes ut quascunque
possessiones, quæcunque bona eadem ecclesia in-
præsentiarum juste et canonice possidet, aut in
futurum concessione pontificum, liberalitate prin-
cipum, oblatione fidelium, vel aliis justis modis,
largiente Domino, poterit adipisci, firma et illibata
permaneat. In quibus hæc propriis duximus ex-

(1) Pontifex diceret, *fili charissimi*. HARD.